

佛說陀鄰尼鉢經

東晉西域沙門竺曇無蘭譯

聞如是一時佛在舍衛國祇樹給孤獨園與大比丘眾千二百五十人菩薩萬人俱爾時去是佛刹百千億拘利佛刹過爾所佛土其

刹世界名阿難陀拘蠶此言華積彼佛號伊迦波

提羅耶此言最天王如來至真等正覺今現在遣

二菩薩一名阿彌陀法此言無量光明二名摩訶法

此言大光明爾時二菩薩來到佛所前以頭面禮

佛足長跪叉手白佛言世尊從是間過百千

億拘利佛刹世界名曰華積彼佛號最上天

王如來至真等正覺今現在遣我來問訊世

尊說法安隱受者增進皆無他不得不為天

龍夜叉鬼神若薜荔若鳩洹鬼神若羅刹鬼

神若虎若狼若人非人所燒害彼世如來至

真等正覺今遣我持陀鄰尼鉢來今為一切故欲令安隱得名聲遠聞色貌端正有氣力有筋力强如是

閻離 摩訶閻離 閻蘭尼 郁倚目佗

三波提 摩訶三波提

是時佛告阿難陀言汝受是陀鄰尼鉢持諷

讀誦有佛世尊甚難得值陀鄰尼鉢亦難得

聞若善男子善女人受持誦讀識七世生宿

命若善男子善女人受持諷誦讀一切鬼神

人非人蛇虺蝮蠍皆不能害毒不能中蠱道

為不行不為刀兵所傷害帝王不能得其便

梵不恚之如是阿難陀是陀鄰尼鉢七十七

億諸佛所說若有中害者是諸佛語為無有

異阿逸多菩薩字彌勒語賢者阿難陀言我

亦當復說陀鄰尼鉢所以者何亦欲令一切

安隱有名聲德遠聞色貌端正饒氣力其筋力強如是

頰鞞 拔鞞 滅支叉離 勒支 羅嵐彌 漏嵐彌 醯離 彌離 提離

爾時佛告阿難陀言汝受是陀鄰尼鉢持諷誦讀有佛世尊甚難得值是陀鄰尼鉢亦難得聞若善男子善女人受是陀鄰尼鉢奉持諷誦讀識十四生宿命若善男子善女人奉持陀鄰尼鉢諷誦讀說終不為一切鬼神人非人所觸螻蛇蚊蠅蠍諸含毒之蟲所不能害毒不能中蠱道為不行刀兵不能傷帝王不能得其便梵釋四天王所共擁護阿難陀是陀鄰尼鉢八萬四千億佛所說佛告阿難陀言我亦復欲說陀鄰尼鉢欲令一切安隱有名聲德遠聞色貌端正饒氣力其筋力強

如是

頰鞞 拔鞞 涅鞞 鳩涅鞞 鐵離 抄 羅波提 案那波提 般那波提 迦前尼 摩訶迦前尼

是時佛告賢者阿難陀言受是陀鄰尼鉢持諷誦讀為一切廣說若善男子善女人受是陀鄰尼鉢持諷誦讀識無央數生宿命是陀鄰尼鉢阿難陀不可稱計億佛所說如是阿難陀是陀鄰尼鉢若行道若為賊若為虎狼若水中若犯帝王縣官事當念是陀鄰尼鉢諷誦讀持是陀鄰尼鉢阿難陀繫著枯樹即便生葉華實何況為人說病不愈當為一切病人呪佛說經已賢者阿難陀及諸會者皆歡喜受行 佛說陀鄰尼鉢經

四

五